

ESKUBALOIA

Bidebieta baino
gehiago izan zen
Gagny taldea

18 BIDEBIETA: Diaz de Guereño, Cachorro (1), Karrere (-), Garcia (5), Bastobanobic (8), Box (3, 1p), K. Makazaga (-); Ratic (1), A. Makazaga (-), Eizagirre (-), Garmendia (-).

22 GAGNY: Poulet, Biel (-), Democrite (6), Servier (3), Marchand (7), Alexandre (1), Antic (4); Sartorio (1), Gille (-).

DONOSTIA

Cortebianco Bidebieta talde donostiarrek ez zuen garaipena lortzerik izan atzo Anoetan Gagnyren aurka jokaturako Erreko-pako partiduan. Frantziako taldea zen kanporaketa hasi-aurretik faboritoa.

Lehen zatia nahiko berdindua izan zen, eta atse-denera gol bateko aldeaz joan ziren aurretik Gagnyko jokalariek (8-9). Bigarren zatian, 14 minutu behar izan zituzten Javier Iriarteren neskek lehen gola sartzeko, eta zati horretan erabaki zen neurketak. Frantziarrek 10-15 aurreratu ziren, eta Bidebieta erreakzionatu zuen arren ezinezkoa izan zen partiduari buelta ematea.

TXIRRINDULARITZA

Fede Etxabe izan
zen onena atzo
Txitxarron

DONOSTIA

Fede Etxabe txirrindulari bizkaitarrak irabazi zuen atzo Itziar eta Zumaia artean jokaturako Txitxarroko XI. Igoera, denboraldiko azken proba. Clas etxeko gizonak 10.56ko denbora behar izan zuen ibilbideko 12 kilometroak betetzeko, Luis Mari Diaz de Otazu bigarren sailkatutakoak baino hiru segundu gutxiago. Julian Gorospe, Pruden Indurain eta Asier Guenetxea (hirurak 11.05eko denborarekin) sailkatu ziren ondoren. Ohi den bezala, afari eder batek eman zion amaiera ekitaldiari.

Grenobleko Sei Egunei dagokionez, Duclos-Lasalle eta Bincolettok osatutako bikoteak segitzen du lehen postuan, bigarren jardunaldiaren ostean. Martine-llo-Vila eta Ruegg-Vetch bikoteak ageri dira ondoren.

PILOTA

Retegi-Beloki eta Balerdi-Galarza
garaile Bergara eta Beotibarren

Parekotasuna izan zen nagusi Binakako Txapelketako bi partiduetan

Retegi eta Belokik azkar sailkatu nahi dute finalerdietara, atzo Binakako Txapelketako bigarren garaipena lortu baitzuten Lejardi eta Zezeagaren kontra. Bergaran jokaturiko partiduen emaitza 22-17. Tolosako Beotibar pilotalekuan Ladis Galarza eta Joxean Tolosaren arteko lehia polita ikusteko aukera izan zen. Azkenean, Balerdi-Galarza garaile (22-19).

DONOSTIA

Partidu bizia ikusteko aukera izan zuten atzo Bergarako (Gipuzkoa) frontoian. Lehian, Retegi-Beloki eta Lejardi-Zezeaga bikoteak. Aurrenak ziren faborito baina besteek udara bikaina burutu dute eta bazen, bai, ezustea egon zitekeenaren pentsakizunik. Bainā azkenean, Eskuz Binakako Txapelketako bikoterik indartsuena nagusitu zen. Dena den, Retegi beterano baina maisu eta Beloki gazte baina oraindik ikasle denak osatutako bikoteak makina bat izerdi isuri zuen, 16-16ko markagailuarekin, garaipena edozein aldera eror zitekeelako. Azkenean, orde, han ikusi zen nork duen egun kalitate gehiago. Emaitza: 22-17. Partiduan izaniko partzial batzuk hauexek: 2-0 (Retegi-Beloki aurretik), 4-1, 5-2, 8-8, 16-15, 16-16, 20-16, 20-17, 22-17. Partiduan zehar Retegi eratsundarrak sakez hiru tantu egin zituen eta falta bat; Lejardik, aldiz, saketik tantu bakarra.

Atzoko markagailuarekin, ja-



Ladis Galarza nagusitu egin zitzaion Tolosari Beotibarren. VILLAGRAN

danik Retegi eta Belokik bitik bi partidu irabazi dituzte, bikote mundiala osatzen dutela frogatuz. Lejardi eta Zezeagak bitik bi galdu.

GALARZA
ETA
TOLOSA

Tolosako Beotibar frontoian jokatu zen Binakako Txapelketako beste partidua. Aurrez-aurre Urionaguena-Tolosa eta Balerdi-Galarza III bikoteak. Atzelariak izan ziren protagonista nagusiak, beraien arteko lehia izan baitzen nagusi kantxa gainean. Ladis Galarza atzeko koadroetan nagusitu egin zitzaion Joxean Tolosari, baina ho-

ri ez zuen behar bezala aprobe-txatu Alfredo Balerdi aurrelariak. Tantuak amaitzerakoan nahiko motel ibili zen —Galarzaren ustez aurrelariak oraindik ere ez du bere maila eman—, eta ez zion min handiegirik egin Iñaki Urionaguenari.

Aurkariei dagokionez, Joxean Tolosak lan itzela egin behar izan zuen, Galarzaren pilotakada bortitzak bueltatu ahal izateko. Amezketako atzelari beteranoa pilotu aurrera moztzen saiatu zen sarritan, Urionaguenak amaitu zezan. Abadiñokoak ez zuen asmatu partiduen lehen zatian, baina gero ondo aritu zen.

Martin Lekunberri eta Agerrek lehen
puntua eskuratu zuten Galarretan

DONOSTIA

Martin Lekunberri-Agerre eta Aseginolaza I-Zubeldia bikoteak nagusi izan ziren atzo jokaturako Binakako Erremonte Txapelketaren lehen jardunaldian. Galarretan, Martin Lekunberri eta Agerrek nahiko partidu berdindua jokatu zuten Altuna eta Eizagirreraren aurka (40-36). Berdinketa dexente izan ziren markagailuan neurketaren lehen zatian (1-1, 8-8, 9-9, 12-12, 16-16 eta 20-20). Gero orde, aurea hartu zuten nabarmen azkenean garaile izango zirenek, bederatzita tanto jarraian egin eta gero (29-20).

Altunak eta Eizagirrek ondo erreakzionatu eta bi tantora jartzea ere lortu zuten (34-32), baina hor amaitu zen beren gorakada. Martin Lekunberri eta Joxean Agerrek berriro ere tarte nabaria ireki zuten (39-33), eta azkenean garaipena beraiena izan zen.

Txapelketaren atarian Joxean Agerre asteasuarraren sasoiari buruz hitz egin da, ez baitzirudien partidu hau jokatzeko momenturik onenean zegoenik. Atzo orde, ondo moldatu zen sakearekin (9 tanto egin zituen jokaldi horren bidez) eta Lekunberri gaztearekin batera lehen puntu garrantzitsua bereganatu ahal

izan zuen. Jon Eizagirre zaraurretarrak sei tanto eta bi falta egin zituen sakez.

Euskalen jokaturako partiduari dagokionez, Aseginolaza I-Zubeldia izan ziren irabazleak, Elizalde eta Etxeberriaren aurka (40-34). Aurreko koadroetan egon zen zalantzarik gabe neurketaren gakoak. Kike Elizalde nahiko kaskar aritu zen —ez dabil batere fin azken aldi honetan Altsasukoa—, Aseginolaza I pilotaririk onena izan zen bitartean. Atzelarien artean ez zen alde handirik izan, bai Etxeberria eta bai Zubeldia nahiko ondo aritu zirelarik.

Txikito-Castro
garaile Bizkaia
Kopako finaleko
lehen partiduan

BILBO

Txikito Bolibar-Castrok osatutako bikoteak eskuan du Bizkaia Zestapunta Kopa, atzo finaleko lehen partiduan Gernikako Jai Alai Frontoian 35-26 irabazi ondoren Kompa-Felixi. Bigarrenengo neurketa gaur bertan jokatu da, berriro ere Jai Alai. Txikito eta Castrok nahikoa dituzte 27 tanto. Hogeita sei eginez gero, erabakigarria izango den hirugarren neurketa jokatu da bihar Gernikan. Dena den, ez da espero hirugarren partidu horretara heltzea, ezta Kompa-Felix garaile izatea ere gaur, egun Txikito-Castro 26 tanto azpitik uztea oso zaila delako.

Atzoko partzialak hauek izan ziren: 7-2, 12-4, 14-7, 20-13, 20-17, 27-21, 30-25 eta 35-26. Partiduko gakoak Felixen joko kaskarra izan zen. Castro atzelariak goitik behera dominatu zuen. Aurrelariak dagokionez, Txikitok bere maisutasuna azaldu zuen eta Kompa gazteak jokaldi polit batzuk egin bazituen ere, nahikoa partidu motela jokatu zuen.

JAIALDIAK

Gaurko partidua

ASTELENA. 17.00. Ansotegi - Astarloa / Goñi - Oliden. Unanue - Aldazabal II / Etxaniz - Errasti.

CENICERO. 17.00. Irazola - Armendariz / Capellan - Berna. Salaberria - Santi / Titin III - Elgoro.

GERNIKA. 17.00. Bizkaia Kopako finala (ETB-1): Konpa - Felix / Bolibar - Castro. Remen - Aranburu / Arriaga - Retolaza.

CARMELO BALDA. 17.00. Hamabi kiniela.

Biharko partidua

ASTELENA. 17.00. Telletxea - Oregi / Badiola I - Azkarate. Urionaguena - Galarza / Lejardi - Zezeaga.

GERNIKA. 17.00. Barandika - Dominguez / Aperribai - Barrondo. Irusta - Gerrika / Mayo - Bilbo.

Astearteko partidua

BEOTIBAR. 16.30. Satrustegi - Arroitauregi / Iribarren - Salaverri. Bengoetxea IV - Maiz II / Gorostiza - Arretxe.